

"মিষ্টি বাচ্চারা - স্মরণের অভ্যাসে থেকে তোমাদের কৃতকর্মের জন্য যদি আন্তরিকভাবে অনুতপ্ত হও, তোমরা বিকর্মাজিত হয়ে যাবে এবং তোমাদের পুরানো হিসেবনিকেশ সম্পন্ন হবে"

প্রশ্নঃ - কোন্ বাচ্চাদের সবকিছুর ত্যাগ সহজেই হয়ে যায় ?

উত্তরঃ - যে বাচ্চাদের অন্তর থেকে বৈরাগ্য আসে, তারাই সবকিছু সহজেই পরিত্যাগ করতে পারে । বাচ্চারা তোমাদের - এটা পরব, এটা খাবো, এটা করবো ইত্যাদি ইচ্ছার আকাঙ্ক্ষা থাকা উচিত নয়। দেহসহ সমগ্র দুনিয়া ত্যাগ করতে হবে । বাবা এসেছেন, তোমাদের হাতের মুঠোয় স্বর্গ তুলে দিতে, সুতরাং, দুনিয়া থেকে তোমাদের বুদ্ধির যোগ সরে যাওয়া উচিত ।

গীতঃ- মা, ওগো মা, তুমি যে বিশ্ব - ভাগ্যনিয়ন্তা !

ওম্ শান্তি । বাচ্চারা, তোমরা তোমাদের মায়ের মহিমা শুনেছ । অগণিত বাচ্চা ! এটা জানা যায় যে, বাবা যদি থাকে, তাহলে মা অবশ্যই থাকবে । রচনার জন্য মাকে অবশ্যই হতে হয় । ভারতে মায়ের অনেক মহিমা গাওয়া হয়ে থাকে । জগদম্বার পূজা উপলক্ষে অনেক বড় মেলা বসে । কোনও না কোনপ্রকারে তারা মায়ের পূজা করে । তারা নিশ্চয়ই বাবারও পূজা করে । উঁনি জগদম্বা তো ইঁনি জগৎপিতা । জগদম্বা সাকারে তো জগৎপিতাও সাকারে । তোমরা তাঁদের রচয়িতা বলতে পারো, কিন্তু তারা যখন সাকারে থাকেন । নিরাকারকেই গড ফাদার বলা হয়ে থাকে । মাদার এবং ফাদারের রহস্য বুঝিয়ে দেওয়া হয়েছে । বড় মা যেমন আছেন, তেমন ছোট মাও আছেন । ছোট মায়েরই মহিমা হয় যদিও তিনি অ্যাডপ্টেড ! ইঁনি মাও অ্যাডপ্টেড, তাইতো তিনি (ব্রহ্মাবাবা) বড় মা হয়েছেন । যাই হোক, সকল মহিমা ছোট মায়ের । তোমরা বাচ্চারা জানো, আমাদের প্রত্যেককে নিজেদের বিকর্মের হিসেবনিকেশ চুকিয়ে দিতে হবে, কারণ যদিও আমরা বিকর্ম জয় করেছিলাম, রাবণ আমাদের আবার সেইরকম পাপাচারী বানিয়ে দিয়েছে । যেমন বিকর্মের সন তারিখ আছে তেমন বিকর্ম জয় করারও সন তারিখ বা অন্দ আছে । কল্পের প্রথমার্ধ বিকর্মাজিতের অন্দ, এবং পরে, কল্পের শেষার্ধে শুরু হয় বিকর্মের অন্দ । বাচ্চারা, এখন তোমরা বিকর্মের ওপরে বিজয় লাভ করে বিকর্মাজিত হয়েছ । তোমাদের যা পাপ ইত্যাদি আছে তা' যোগবলের দ্বারা নিঃশেষিত করে চিত্তের শুদ্ধিকরণ করো । স্মরণেই অন্তরের বিশুদ্ধতাসাধন হয়, যেমন বাবা বোঝাচ্ছেন, বাচ্চারা স্মরণ করো তবে অন্তঃকরণ নিষ্কলুষিত হবে অর্থাৎ জং সরে যাবে । মাথার ওপর বহু জন্মের অনেক পাপের বোঝা ! এটা তোমাদের বোঝানো হয়েছে, যে নম্বরওয়ান পুণ্য আত্মা হয় সে-ই আবার নম্বরওয়ান পাপ আত্মায় পরিণত হয় । সেই আত্মাকে অনেক মেহনত করতে হয় । নিশ্চিতভাবে তাঁকে অনেক মেহনত করতে হবে কারণ তিনি তোমাদের শিক্ষক হয়ে তোমাদের শেখাবেন । যদি কারও কোনো অসুস্থতা থাকে তাহলে বলা হয়, সেটা তার নিজের কর্মফল । তোমরা বহু জন্ম বিকর্ম করেছ, এই কারণে তোমাদের শাস্তি ভোগ করতে হচ্ছে । সুতরাং এতে তোমাদের ভয় পাওয়ার কিছু নেই । অসুস্থতার মধ্যে দিয়েই তোমাদের খুশিতে পাশ করতে হবে, কারণ এটা তোমাদের কৃতকর্মের হিসাবনিকাশ । একমাত্র বাবার স্মরণেই তোমাদের প্রকৃত শুদ্ধিকরণ হতে পারে । মৃত্যু অবধি তোমাদের জ্ঞান অমৃত পান করতে হবে । তোমাদের স্মরণের অভ্যাসে থাকতে হবে, তোমাদের সর্দি-কাশি ইত্যাদি লেগে থাকে কারণ তোমাদের বিকর্মের হিসেবনিকেশ এখনও বাকি আছে । খুশি তখনই

হবে যখন এখানেই সব হিসেব মিটে যাবে, বাকি থেকে গেলে তোমরা পাস উইথ অনার হবেনা । সাজা পাওয়ার পরে যদি মানও পাও, তবুও সেটা অসম্মান । অনেকরকম দুঃখ ভোগ করতে হয় । এখানে নানা দুঃখের অন্ত নেই আর ওখানে সবরকম সুখের অন্ত নেই, যার নামই হলো স্বর্গ । ক্রিস্টিয়ান লোকেরা হেভেন এবং হেভেনলি গড ফাদারের কথা বলে, তোমরা এইসব কথা সবই জানো । নিবৃত্তি মার্গের সন্ন্যাসীরা সহজেই বলে দেয়, এই সমস্ত সুখ কাকবিষ্ঠাসম । এই দুনিয়ায় সেটাই সত্যি ! কেউ যতই সুখে থাকুক না কেন সেইসবই সাময়িক সুখ । স্থায়ী সুখের লেশমাত্র নেই ! বসে-বসেই মানুষের চরম দুর্দশা ঘনিষে আসে, এমনকি হার্টফেলও হয়ে যায় । আত্মা এক শরীর ছেড়ে অন্য শরীর নেয়, তারপর পুরানো শরীর নিজে থেকেই মাটি হয়ে যায় । জানোয়ারের শরীর তবুও কাজে আসে ; মানুষের শরীর কোনভাবে কাজে আসেনা । তমঃপ্রধান, পতিত শরীর কোনও কাজের নয়, একেবারে কড়িসম । দেবতাদের শরীর হীরেসম । দেখ, সেইজন্য তাঁদের কত পূজা হয় । তোমরা এখন এই বোধশক্তি লাভ করেছ । ইনি বেহদের বাবা, যিনি মোস্ট বিলাভেড, যাঁকে তোমরা অর্ধকল্প স্মরণ করেছ । একমাত্র যারা ব্রাহ্মণ হয় তারাই বাবার থেকে উত্তরাধিকার লাভের অধিকারী হয় । প্রকৃত ব্রাহ্মণকে পিওর হতে হবে । গীতা পাঠকারী ব্রাহ্মণকে অবশ্যই পবিত্র হতে হবে ; ভুল গীতা পাঠকারী পবিত্র থাকেনা । গীতায় এটা লেখা হয়েছে যে, কাম মহাশত্রু । কিন্তু যারা গীতা পাঠ করে শোনায় তারা নিজেরা পবিত্র হয়না ! গীতা সর্বশাস্ত্র শিরোমণি, যে শাস্ত্রের দ্বারা বাবা কড়ি থেকে হীরেতুল্য করে গড়েন । একমাত্র তোমরা এই কথা বুঝতে পারবে, যারা গীতা পড়ে তারা এসব বুঝতে পারেনা । তারা তোতার মতো শুধু আউড়ে যায় । সকল মহিমা কেবল একের ; আর কারও মহিমা নেই, এমনকি ব্রহ্মা, বিষ্ণু, শংকরেরও নয় । তুমি তাঁদের সামনে যতই মাথা ঠোক বা তাঁদের কাছে নিবেদিত হও উত্তরাধিকার লাভ করতে পারবেনা । কাশীতে মানুষ নিজেকে উত্সর্গ করে । গভার্নমেন্ট এখন বন্ধ করে দিয়েছে, বহু লোকে কাশীতে আত্মহত্যা করেছে ত্যাগের নামে ; তারা গিয়ে কুয়ায় ঝাঁপ দিতো । কেউ দেবীর কাছে নিজের জীবন উত্সর্গ করতো, কেউ আবার শিবের । দেবতাদের উদ্দেশে নিজেদের জীবন উত্সর্গ করায় কোনও লাভ হয়না । তারা দেবী কালীর উদ্দেশে নিজেদের জীবন ত্যাগ করে, কালীকে তারা ভীষণভাবে কালো করে দিয়েছে । পূর্বে যারা গোন্ডেন এজের ছিলো তারা সবাই এখন আয়রণ এজের হয়ে গেছে । অশ্বা এককেই বলা যাবে ; তোমরা বাবাকে অশ্বা ডাকতে পারোনা । এসব কেউ জানেনা । জগদম্বা সরস্বতী ব্রহ্মার কন্যা । ব্রহ্মা নিশ্চয়ই প্রজাপিতা হবেন, তিনি সূক্ষ্মবতনে হবেননা । তারাও বোঝে সরস্বতী ব্রহ্মার কন্যা । তারা কাউকে ব্রহ্মার স্ত্রীরূপে দেখায় না । বাবা বলেন, ব্রহ্মার মাধ্যমে আমি সরস্বতীকে অ্যাডপ্ট করেছি । এমনকি কন্যাও জানে, বাবা তাঁকে অ্যাডপ্ট করেছেন । ব্রহ্মাকেও অ্যাডপ্ট করা হয়েছে । এই গভীর কথা কারও বুদ্ধিতে নেই । বাবা এখানে সামনে বসে তোমাদের তাঁর নিজের গহীন রহস্য বোঝান, সুতরাং তাদেরও নিশ্চয়ই সামনে দেবেন । তিনি প্রেরণা দ্বারা দেবেন না ! ভগবান বলেন, হে বাচ্চারা..., সুতরাং নিশ্চয়ই তিনি সাকারে এসে এই কথা বলেন । নিরাকার বাবা এনার মধ্যে বসে পড়ান, ব্রহ্মা পড়ান না । ব্রহ্মাকে জ্ঞান সাগর বলা হয়না । একমাত্র বাবাকে বলা হয় । তোমরা আত্মারা জানো যে লৌকিক বাবা আমাদের পড়ান না, পারলৌকিক বাবা পড়ান, যাঁর থেকে আমরা উত্তরাধিকার লাভ করি । বৈকুণ্ঠকে পরলোক বলা যায়না অর্থাৎ দুনিয়ার উর্ধ্বে নয় । সেটা হলো অমরলোক আর এখানে মৃত্যুলোক যেখানে আমরা-আত্মাদের বাস । এটা পরলোক নয় । আমরা আত্মারা এই লোকে আসি । পরলোক আত্মাদের দুনিয়া । তোমরা ভারত শাসন করো, পরলোক নয় । তোমরা এইরকম বলতে পারোনা - পরলোকের রাজা । লোকে বলে, সাকার এবং নিরাকার দুনিয়া যন্ত্রনা বা দুর্দশা থেকে মুক্ত । এটা স্থূল লোক আর পরলোক আবার শান্তিপূর্ণ দুনিয়া হয়ে যায় । সেই

ভারত ছিলো স্বর্গ আবারও সেইরকম হবে। এটা মৃত্যুলোক, লোকে মানুষ থাকে। তারা বলে যে, তারা বৈকুণ্ঠে যেতে চায়। দিলওয়াড়া মন্দিরে তারা দেখিয়েছে তপস্যায় নীচে বসে, এবং তাদের উপরে স্বর্গের ছবি বানিয়েছে। তারা মনে করে অমুক অমুক লোক স্বর্গে চলে গেছে। কিন্তু স্বর্গ তো এখানে, ওপরে নয়! আজকের পতিত দুনিয়া ভবিষ্যতে পবিত্র দুনিয়া হয়ে যাবে। পবিত্র দুনিয়াই ছিলো এখন অতীত হয়ে গেছে, এইজন্য বলা হয়ে থাকে পরলোক। কারণ এটা দূরে চলে গেছে। ভারত স্বর্গ ছিলো, এখন নরকে পর্যবসিত হয়েছে আর সেইজন্যই স্বর্গ অনেক দূরে চলে গেছে। ড্রামা অনুসারে তোমরা পাপের দুনিয়ায় যেতে শুরু করলে স্বর্গ দূরে চলে যায়, এইজন্য তারা এটাকে পরলোক বলে। এখন তোমরা বলা, আমরা এখানে এসে নতুন দুনিয়ায় আবার একবার রাজ্য শাসন করবো, যে রাজ্যভাগ্য আমরা লাভ করেছি। প্রত্যেকে নিজের জন্য পুরুষার্থ করে। যে করবে সে-ই পাবে। সবাই তো করবে না। যারা লেখাপড়া করে তারা বৈকুণ্ঠের নবাব হবে অর্থাৎ মালিক হবে। তোমরা এই দুনিয়াকে স্বর্গলোকে পরিণত করেছে। তারা বলে দ্বারকা সোনার শহর ছিলো, যা সম্পূর্ণ সোনা দিয়ে তৈরি হয়েছিলো, পরে তা সমুদ্রের নীচে তলিয়ে যায়। কেউ তো বসে নেই যে বার করে আনবে! ভারত স্বর্গ ছিলো যেখানে দেবতাগণ রাজত্ব করতেন। বর্তমানে কিছুই নেই, তাই সবকিছু সোনার তৈরি করতে হবে। এমন নয়, যে সোনার মহলগুলো বার করলেই বেরিয়ে আসবে। তোমাদের সবকিছু তৈরি করতে হবে। তোমাদের কত নেশা থাকা উচিত যে, তোমরা প্রিন্স-প্রিন্সেস হচ্ছ। এটা প্রিন্স প্রিন্সেস হওয়ার কলেজ। ওটা প্রিন্স-প্রিন্সেসদের পড়াশোনা করার কলেজ। তোমরা পড়াশোনা করছ রাজ্যাধিকার লাভ করতে। তিনি পাস্ট জন্মে দানপুণ্য করেছিলেন বলে, রাজার ঘরে জন্ম নিয়ে প্রিন্স হয়েছেন। সেই কলেজ নিশ্চয়ই অনেক ভালো হবে! সেখানে কৌচও (বসার জায়গা) কত ভালো হবে! টিচারদেরও ভালো কৌচ থাকবে। সত্যযুগ এবং ত্রেতায় যারা প্রিন্স-প্রিন্সেস হবে তাহলে তাঁদের কলেজ কত ভালো হবে! ভাষা শেখার জন্য তাঁদের কলেজে তো যেতে হবে তাই না! সত্যযুগী প্রিন্স-প্রিন্সেসের কলেজ দেখ আর দ্বাপরের বিকারী প্রিন্স-প্রিন্সেসের কলেজ দেখ, তারপর দেখ কত সাধারণ এই কলেজ যেখানে তোমরা প্রিন্স-প্রিন্সেস তৈরি হচ্ছ। এমনকি পা রাখার জন্য তোমরা তিন বর্গফুট জমিও পাওনা। তোমরা জানো ওখানে প্রিন্স-প্রিন্সেসরা কিভাবে কলেজে যাবে। সেখানে তাঁদের হেঁটেও যেতে হবে না। তারা মহলের বাইরে আসতেই এরোপ্লেন তাদের উড়িয়ে নিয়ে চলে যাবে। সেখানের কলেজ কত সুন্দর হবে! কত সুন্দর বাগিচা মহল ইত্যাদি হবে! সেখানে সবকিছু নতুন হবে, সবচেয়ে উঁচু, নান্দার ওয়ান। এমনকি পাঁচ তল্লও সতোপ্রধান হয়ে যায়। তোমাদের সেবা কে করবে? এই পাঁচ তল্লই তোমাদের জন্য ভালো থেকেও ভালো জিনিস উত্পাদন করবে। কোথাও যদি বিশেষ কোনও ভালো ফল হয় তাহলে সেটা রাজা রানীকে উপহার হিসেবে পাঠিয়ে দেওয়া হয়। এখানে তোমাদের বাবা, শিববাবা সর্বোচ্চ, তাঁকে তোমরা কি খাওয়াবে! কোনও জিনিসের প্রতি তাঁর কোনরকম আকাঙ্ক্ষা নেই - যেমন, এটা পরবো, এটা খাবো, এটা করবো... বাচ্চারা তোমাদেরও এইরকম ইচ্ছা থাকা উচিত নয়। তোমরা যদি সব এখানে করো তাহলে সেখানে তোমাদের অনেক কম লাভ হবে। এখন সমস্ত দুনিয়াকে ত্যাগ করতে হবে। তোমাদের দেহ সহ সবকিছু ত্যাগ করতে হবে। বাবা বলেন, আমি তোমাদের হাতের মূর্ত্যায় স্বর্গ ধরিয়ে দিতে এসেছি। তোমরা জানো, বাবা তোমাদেরই! সুতরাং, অবশ্যই তোমাদের তাঁকে স্মরণ করতে হবে। এটা ঠিক একজন কুমারী যখন কারও সাথে জুড়ে যায় বা তার বিবাহ ঠিক হয়, সে বলেন যে সে তার বরকে মনে করেনা কারণ সে লাইফের জুটি হয়ে যায়। এটাও ঠিক সেইরকম বাবা আর বাচ্চাদের জুটি। যতই হোক, মায়া তোমাদের ভুলিয়ে দেয়। বাবা বলেন, আমাকে স্মরণ করো আর তোমাদের উত্তরাধিকার স্মরণ করো। এর মধ্যেই মুক্তি আর জীবন-মুক্তির উপায় আছে, তবুও

তোমরা ভুলে যাও কি করে ? এর জন্য বুদ্ধির প্রয়োজন, তোমাদের মুখে বলার কিছু নেই, তোমাদের শুধু নিশ্চয় করতে হবে । তোমরা জানো যে তোমরা পবিত্র থেকে পবিত্র দুনিয়ার উত্তরাধিকার নাও । এটা বোঝার বিষয়, বলার নয় । আমরা জানি আমরা বাবার হয়েছি । একমাত্র শিববাবা পতিতকে পবিত্র বানান । তিনি বলেন, নিরন্তর আমাকে স্মরণ করো । এর অর্থ মনমনাভব । কিন্তু তারা লিখেছে কৃষ্ণ ভগবানুবাচ । পতিত-পাবন এক । সকলের মুক্তিদাতাও এক । তোমাদের একেরই স্মরণ করতে হবে । তিনি বলেন, আমাকে, তোমাদের বাবাকে ভুলে যাওয়ার কারণে অন্য অনেককে স্মরণ করতে হয় । যদি আমাকে স্মরণ করো তবে তোমরা বিকর্মাজিত রাজা হয়ে যাও । বিকর্মাজিত রাজা আর বিক্রমী রাজার পার্থক্য তোমাদের বোঝানো হয়েছে । পূজ্য থেকে তোমরা পূজারী হয়ে যাও । তোমাদের নীচে নামতেই হবে । তোমরা বৈশ্য বংশ হও পরে শূদ্র বংশের । বৈশ্য বংশী হওয়া অর্থাৎ অধর্মের পথে চলা । সম্পূর্ণ হিন্দি -জিওগ্রাফি তোমাদের বুদ্ধিতে, এই বিষয়ে অনেক কাহিনীও আছে । সেখানে মোহের কোনও অস্তিত্ব থাকেনা । বাচ্চারা সব খুব আনন্দে থাকে । অটোমেটিক্যালি সেখানে ভালো রীতিনীতি চলে । দাস-দাসী সবসময় তাঁদের চোখের সামনে থাকে । সুতরাং, নিজেদের ভাগ্য দেখ, কেমন কলেজে তোমরা বসে আছ যেখানে ভবিষ্যতের প্রিন্স-প্রিন্সেস তৈরি হচ্ছে । তোমরা পার্থক্য তো জানো, কলিযুগের আর সত্যযুগের প্রিন্স- প্রিন্সেসের মধ্যের; মহারাজা-মহারানী আর রাজা-রানীর মধ্যের ! অনেকের নামও হয় লক্ষ্মী-নারায়ণ, রাধাকৃষ্ণ । তাহলে তারা সেই লক্ষ্মীনারায়ণ আর রাধাকৃষ্ণের পূজা কেন করে ! নাম তো একই তাই না ! হ্যাঁ, তাঁরা স্বর্গের মালিক ছিলেন । এখন তোমরা জানো, এই নলেজ শাস্ত্রে নেই । এখন তোমরা বুঝতে পেরেছ, যজ্ঞ, জপতপ, দানপুণ্য ইত্যাদিতে কোনও শক্তি নেই । ড্রামা অনুসারে দুনিয়াকে পুরানো হতেই হয় । মানুষ মাত্রই তমঃপ্রধান হতেই হবে । তমঃপ্রধান সবকিছুতে - ক্রোধ, লোভ সবেতেই তমঃপ্রধান । "আমার জমিতে এই ব্যক্তি কেন দখল নেবে ? তাকে গুলি করে মারো !" তারা নিজেদের মধ্যে ভয়ানক মারামারি করে । পরস্পরকে মেরে ফেলতে তারা একটুও সময় নেয়না । সন্তান ভাবে, বাবা মারা গেলে সম্পত্তির উত্তরাধিকার আমার হবে ! এইরকম তমঃপ্রধান দুনিয়ার বিনাশ অবশ্যই হতে হবে এবং তারপরে সত্যপ্রধান দুনিয়া আসবে । আচ্ছা -

মিষ্টিমিষ্টি হারানিধি (সিকিলধে) বাচ্চাদের প্রতি মাতাপিতা বাপদাদার স্মরণ স্নেহ আর গুড মর্নিং । রুহানী বাবার রুহানী বাচ্চাদের নমস্কার ।

ধারণার জন্য মুখ্য সারঃ-

১) পুণ্য আত্মা হওয়ার জন্য মেহনত করতে হবে । সব হিসেবনিকেশ চুকিয়ে পাস উইথ অনার হয়ে সসম্মানে তোমাদের যেতে হবে । এইজন্য কর্মভোগে ভয় পেয়োনা, খুশির সাথে সবকিছু চুকিয়ে নিতে হবে ।

২) সদা এই নেশায় থাকতে হবে, আমরা ভবিষ্যতের প্রিন্স-প্রিন্সেস হচ্ছি । এটাই প্রিন্স-প্রিন্সেস হওয়ার কলেজ ।

বরদানঃ- পুরুষার্থের যথার্থ বিধি দ্বারা সদা এগিয়ে চলতে থাকা সর্বসিদ্ধি স্বরূপ ভব

পুরুষার্থের যথার্থ বিধি হ'লো, 'আমার' শব্দকে পরিবর্তন করে শুধু "আমার বাবা" - এই স্মৃতিতে থাকতে হবে এবং সবকিছু ভুলে গেলেও এই কথা কখনও ভুলোনা "আমার বাবা ।" তাহলেই "আমার" - এই অহংবোধের স্মরণ তোমাদের করতে হবেনা, আপনা থেকেই তাঁর স্মরণ মনে আসবে । যদি হৃদয়ের ভালবাসা দিয়ে বলো "আমার বাবা" তাহলে যোগ শক্তিশালী হয়ে যায় । সুতরাং, এই সহজ বিধি দ্বারা সদা এগিয়ে যেতে যেতে সিদ্ধিস্বরূপ হও।

স্লোগান:-      মায়াজিৎ হতে হলে স্নেহের সাথে সাথে জ্ঞানের ফাউন্ডেশনও মজবুত করো ।